

**RAMON JAUREGI (PSOE)**

«EAJren aldetik, duela bi urteko filosofia bera berresten duela besterik ez dugu entzuten»

**JAVIER ARENAS (PP)**

«Ez da onartuko erdizkako egirik. Ekintzak nahi ditugu, EAJk Lizarrarekin haustea»

**JOSEBA EGIBAR (EAJ)**

«ETAk Lluch erail zuen, eta hitzarmen honen sinatzaileek haren ideiak hil dituzte»

ten, eta jarreraren «tinkotasuna» nabarmendu zuten biek; eta baita egungo markoaren defentsa egin ere. Zapaterok beste alderdiekiko elkarrizketa bidea irekita dagoela esan zuen, baina itunean ezarritako irizpideen «tinkotasuna» izango dutela aurretik; alegia, EAJk eta EAK Lizarra-Garazi eta Udalbiltza uztea eta Konstituzioa onartzea izango dutela aurrebaldintza gisa. «Nik ez dut EAJk itunarekin bat egitea nahi, hori ez zen itunaren helburua; nik nahi dudana da egungo markoa onartzea da».

Arenasek ildo beretik hitz egin zuen: «Autodeterminazioaren bidez independentzia lortzeko eta bakeari prezio politikoa jartzeko saio garbi bat egin dute; beraz, orain ez da erdizkako egirik onartuko. Ekintzak eta erabakiak nahi ditugu, hau da, EAJk eta EAK Lizarraren ingurunearekin haustea». Bestetik, akordioaren helburua Konstituzioa eta Estatutua defenditzea dela esan zuen.

PP eta PSOEko idazkari nagusiek Estatu itunean beste alderdien atxikimendua jasotzeko nahia azaldu zuten. Zapateroren arabera, baina, «goizegi» da horretarako, eta beste alderdiei kritiketan «zuhurtzia» erabiltzeko eskatu zien. Itunaren sinadura ekitaldian egon ziren buruzagi politiko guztiek, ildo horretan, CiUren jarrera kritikatu zuten. Izan ere, Jordi Pujol Kataluniako presidenteak eta CiUk ez dute bat egingo itunarekin, EAJ baztertzaren duelako. Hori «okerra» dela ohartarazi zioten PPK eta PSOEK Pujoli.

Jauregik euskal alderdien ituna nahi du

Euskal alderdien artean atzo sinatutako estatu itunaren bigarren bertsio bat nahi lukeela adierazi zuen, bestetik, Ramon Jauregi diputatu sozialistak. Jauregiren arabera, «euskal alderdi demokratikoen» bigarren itun horrek zerbait berria izan beharko luke, eta atzo sinatutakoa «laguntzeko» balioko luke. «Ona izango litzateke, adibidez, akordio hori hauteskunde osteko gauean sinatzea», gaineratu zuen. Hala ere, EAJren jarra ikusita, buruzagi sozialista ezkor agertu zen: «EAJren aldetik soilik entzuten dugu duela bi urteko filosofia berresten duela, eta batasun abertzalea indartu nahi duela independentzia lortzeko autodeterminazio proiektu bat egiteko».

Abertzaletasuna «deabrutu eta amaitu» nahi du itunak, EAJren ustez

PP-PSOE akordioa «baztertzalea, eskasa, antidemokratikoa eta inobilistatzat» jo du

EAJ-REN BALORAZIOA



JAVIER ETXEZARRETA / EFE
Joseba Egibar, atzoko prentsurrekoan.

«PPk eta PSOEK izenpeturiko akordioaren azterketa»

Euzko Alderdi Jeltzaleko EBBk lau ataletan banatu du itunaren inguruko gogoeta. Hona segidan pasarte batzuk, hitzez hitz:

1. «PP-PSOE AKORDIOAREN FALTSUKERIAK». «Ez da egia EAJ eta EAK Ajuria Eneko Hitzarmenetik alde egin zutenik. PPK suntsitu zuen lehenik, gero erabat hondoratzeko. Eta PSOEK ez zuen PPengandik aldentzeko adorerik izan». (...) «Eskuetan dugun Akordioa, Ajuria Eneko Hitzarmenean agertzen diren edukiak kontuan izanik, atzerakada nabarmena dakar». (...) «Ajuria Eneko Hitzarmena sortu zenean 53 orduko eztabaida izan zen euskal alderdi guztien artean. Zein motatako harrokeriak jo ditu orain PP eta PSOE, Hitzarmen bat ateak itxita egiteko eta ondoren gainontzeko al-

derdiei euren atxikimendua eskaintzeko, kritikei edo ekarpenei biderik eman gabe?»

«Ez da egia autodeterminazioaren inposaketa zenik EAJ eta EAK ETaren bortizkeriari amaiera emateko onartu zuten salneurria. (...) «Ez dugu onartuko Autodeterminazio Eskubidearen tabuizazioa, izan ere, bere errekonozimendua eta praktika arruntak dira Europako herrietan».

«Ez da egia, 'Estella' formalki hautsi daitekeen Hitzarmen bat denik. Lizarra-Garazi, hainbat alderdi politiko, sindikatu eta giza mugimenduk sinaturiko Adierazpen bat izan zen, eta bere oinarrian zeuden ideiak bat zetozen, neurri handi batean, Ardanza dokumentuarekin. Ideia horiek ezinbestekoak jotzen ditugu Bakea lortzeko planteamendu bat aurrera ateratzeko».

2. «AKORDIOAREN BALORAZIOA». «Baztertzalea, eskasa, kontraesankorra, antidemokratikoa, elektoralista, iruzurtia eta inobilista da».

3. «ZERGATIK SINATZEN DA AKORDIO HAU?». «Zergatik interesatzen zaio PSOEri PPrekin akordio bat idatziz sinatzea?»

Espainiar mailan terrorismoaren auzia hauteskunde ika-miketarik ateratzeko, egun Alderdi Popularraren esku baitago esparru hori».

«Zer lortu nahi du PPK?»

Oposizioaren lehen alderdia, gobernuko alderdiaren aginduei erabat otzan eta esaneko mantentzea». (...) «Akordioak beraz ez du, edukien mailan behintzat, inongo berritasunik eskaintzen. Hori bai, aipaturiko diagnostiko eta proposaturiko tratamenduarekin bat ez datozen ideologi eta proiektu politikoak satanizatuko ditu, eurei leporatuz ETaren ekintzen ondorioen ardura».

4. «AMAITZEKO». «Serioski hitz egin al daiteke elkarrizketaz eta demokraziaz Alderdi sinatzaileek euskal botoemaileen % 37 biltzen dituztenean, eta, ondorioz, gainontzeko % 63 baztertzaren dituztenean?»

(...) «Objektiboki, euskal abertzaletasunaren satanizatzea eta salatzeak Euskal Herriaren izenean biolentzia erabiltzen duena deslegitimatuta ala justifikatu egiten du? Nori amaitu nahi dute, ETarekin ala euskal abertzaletasunarekin?»

«Non gelditzen dira 'dialek ja' bezalako esaldiak?». «ETAk Lluch erail zuen, eta hitzarmen honen sinatzaileek haren ideiak hil dituzte».

Axun Erzibengoa | DONOSTIA

Joseba Egibar EAJko bozemaileak irakurri zuen EBBk itunari buruz eginiko gogoeta. EAJk dioenez, PPK eta PSOEK sinatutako ituna «faltsukeriaz eta juzkuz betea dago». Hala, ber, PPren irizpide politikoak PSOEK bere egin dituela adierazi zuen.

EAJk argitzen du beraiek eta EAK ez zutela utzi Ajuria Eneko ituna. Autodeterminazio eskubidearen alde agertzen da. Lizarrako printzipioak bakea lortzeko ezinbestekoak direla azaldu zuen EAJk. Lizarrako Akordioan demokratiko ez den esaldiren bat seinaltatzeko esan zien PP eta PSOEri. Ildo horretan, adierazi zuen EAJk egoki ikusten duenarekin hitzartutako duela, bere izaera politikoa gordez.

EAJk balorazio ezkor eta kritikoa egin zuen atzo sinatu itunarekiko. Ituna baztertzailatzat jo zuen, «euren batasuna bilatzen duelako». «Eskasa» dela esan zuen, bide polizial hutsa aipatzen duelako. Era berean, kontraesankor deritzo, demokrazia erregelak aipatu arren, «euskal gizarteari hitza emateari izua diolako». Antidemokratikoa ere bada EAJrentzat, abertzaleek euren ideiei uko egitea eskatzen duelako. «Elektoralista eta iruzurtia» dela esan zuen. Azkenik, «inobilista» dela adierazi zuen, «errezeta gisa legediaren erreformak, kartzela politika eta herritarren mobilizazioa proposatzen dituelako».

Akordioa sinatzearen atzean, PP eta PSOEren diagnostiko bateratuaz gain, «alderdi interesak bizi-bizian daude». Hala, PPren «betiko jarrerarekin» bat egin du PSOEK EAJren ustez. Akordioaren bitartez «euskal abertzaletasun demokratikoari» egotzi nahi diote ETaren ekintzen ondorioen ardura. Era berean, «ETA amaitzea baino abertzaletasuna amaitzea» da itunaren helburua EAJren ustez.